

景東直隸廳志卷之二十八

雜錄

歲有置閏果有藥枝家有贅子人有駢指物既有之書亦宜然左氏之有外傳列朝之有稗史尤其著焉者也諸如方外之技術能活人道外之教幻堪破妄一切奇零餘數不入條目正欵總從雜錄滙之且彰美匿垢登雅芟俚邑乘例也乃有齋豹書盜大著厥罪以易姦東坡說鬼最愛旁人与造謠牽傀儡於偃師闢難蟲於江閣裸葬歸真跳神懺咎鯨紅紫為間色揉銅錫而在鎔說鈴新語詎非嗜奇所願聞乎雜

景東直隸廳志

五三

筋食之無肉酉陽菴即為文志雜誌

明朝

袁仙袁氏子少服何首烏常居無量山洞語言不

倫頗奇中一日至家索湯浴畢端坐而逝舉棺甚

輕既葬有遇之於白家坡者見其戴黃冠騎黑衛

且寄言索履家中果於室中尋得一履人始知其

仙去

者干道人不知所自來於者干石洞前種豆為食服一布袍甚潔不洗面人問之曰不能洗心徒勞洗面

圓通頓激無上乘法年至九十二歲先期示寂禮
佛畢趺坐涅槃比舉火青烟直上結現伽持像冉
冉向西而滅

釋心真浪宮人文庠遊景住回龍寺清規自守戒律
精嚴並修各寺宇置常往眾欽仰之

釋燈照幼披剃於圓通寺經典習熟戒律嚴持更增
修佛堂製鐘鼓廣常住功課維勤參悟不懈官紳
以靜契菩提匾額旌獎之

康熙十八年吳三桂反迫民為兵按戶苛歛不從者殺之民不聊生二十二年平

乾隆三十一二三年緬甸軍務景東疊次奉調官兵往剿死者無數民間奉派長夫長馬黃牛民力困竭三十四年平

乾隆三十五六年九龍江車里國軍務景東兵死者無數地當迤西進兵孔道派夫馬設臺站運糧派紳士分站管理三十七年平三十八年總督張帶兵千名前往查看情形由永昌取道景東先兩月將夫馬分禁開化寺迦龍寺城隍廟東岳廟蕭祠等處餓

死者甚众

乾隆三十四五年者干河出白額虎一隻能變化隱形傷人甚多兩年乃滅

乾隆四十五六年左所王姓家有邪神為崇無形有聲能放火盜物拋石毆人數月乃滅

乾隆五十二年安南國阮光平軍務雲南官兵防堵馬白景東奉派長夫長馬署丞吉勒限迫足每夫一名繳銀五十兩每馬一匹繳銀三十兩差役鄉約又從而加之士民家無現銀將婦女釵環手鐲鎔化幾盡

又色里而堅乃數千萬年前物不知皇古以前地下何以埋有此木也殊不可解

蒙樂山中多上古不死之木大徑數尺高六七丈不等山夷不知愛惜經年屢月入山砍伐俟其木質乾燥放火焚之而於其地種包麥一畝有數畝之收十年八年後土薄力微又舍而棄之另行砍伐惜哉惜哉宜嚴行禁止

景屬各圈皆土著夷人嗜酒而拙不知久遠營生之計每有數十家村寨處輒有江西人在彼開鋪熬酒賣布重利放債二三月一換木刻不過期年一兩之

景東直隸廳志

五七

銀可至十數兩每酒一壺換糧食一斗粿星記賬至糧食熟時照數收取故夷人終歲作苦不得自食盡以付之飢寒交迫逼討之狀急於星火於是擗牛拉猪作抵作抵不足償以田地付以兒女夷人非死則逃而是村產業盡為江右人有吳嗚呼可憫哉宜嚴為之禁

蒙樂山中蔬菜最多豐稔之年亦無甚出產每至荒歲輒出山葫蘆山羊頭芭蕉笋毛蕨根鋸鎌菜等物饑民爭取食之

中五甲村民每於五六月間田功畢時放牛入山經

月不收有水母牛生子山豹來食其子水母牛護之
以頭角觸豹於岩抵死不放數日後牧人往見則牛
與豹俱死而水母牛猶觸豹不僵其子亦死於旁嗚
呼母子天性也可以人而不如牛乎
有赴江外販賣生理者蓄一大相隨其人賣貨得銀
數十兩中途發瘴而死犬以兩足跑土覆之尋故道
而歸至家哀鳴不已家人知有變也尾而隨之至一
林間犬哀鳴跑開浮土則主人之屍與銀俱在焉乃
棺殮而歸噫犬真義矣哉